

Informacion i përgjithshëm mbi funksionimin e tryezave të PPIE

Çfarë është Platforma e Partneritetit për Integrimin Evropian PPIE?

Anëtarësimi në Bashkimin Evropian është një objektiv kombëtar me ndikim në të gjithë shoqërinë. Shoqëria civile është një partner i rëndësishëm në procesin përgatitjeve të negociatave. Përafrimi i legjisclacionit kombëtar me atë të BE-së, hartimi i dokumenteve strategjike dhe prezantimi final i grupit negociator shqiptar përpara negociatorëve të BE-së, kërkon përgatitje cilësore dhe konsultim intesiv me të gjithë aktorët e shoqërisë.

Tryezat në kuadër të Platformës së Partneritetit për Integrimin Evropian PPIE janë tryezat e komunikimit dhe këshillimit mbi procesin e integrimin evropian midis Ministrisë së Arsimit dhe Sportit, përgjegjëse për negocimin e kapitullit 25 “Shkenca dhe Kërkimi Shkencor” dhe kapitullit 26 “Arsimi dhe Kultura” dhe përfaqësuesve të organizatave, shoqatave apo grupeve të cilët kanë interes të veçantë në fushat që mbulohen nga këto kapituj.

Tryeza ngrihen për secilin kapitull. Ato janë mekanizma përmes së cilit përfaqësues të shoqërisë civile mund të jenë pjesëmarrës aktivë në procesin e negociatave për anëtarësim.

Si funksionon PPIE?

Në bazë të urdhrin të Kryeministrit nr. 113, datë 30.08.2019 “Për format e pjesëmarrjes, funksionimin dhe strukturën institucionale të platformës së partneritetit për integrimin evropian”, për çdo kapitull të acquis të BE-së ngrihen tryezat e këshillimit me grupet e interesit.

Qëllimi kryesor i secilës tryezë është të diskutojë dhe të ndërmarrë qëndrime dhe rekomandime drejtuar Sekretariatit të Integrimin Evropian dhe strukturave të tjera përgjegjëse për procesin e integrimin. Tryezat kryejnë funksion këshillimor edhe në lidhje me programimin, zbatimin, monitorimin dhe vlerësimin e asistencës së Bashkimit Evropian për Shqipërinë. ([linku i urdherit](#))

Përmes PPIE synohet informimi, komunikimi dhe përfshirja gjithnjë e më e madhe e aktorëve jo-shtetërorë në proces.

Sa më poshtë janë adresat elektrinike të sekretariatit teknik të GNPIE të kapitujve nën drejtimin e Ministrisë së Arsimit dhe Sportit.

Kapitulli 25 – kapitulli25@arsimi.gov.al

Kapitulli 26 – kapitulli26@arsimi.gov.al

Kush mund të aplikojë?

Aplikimi është i hapur për të gjithë organizatat e shoqërisë civile, pushtetit vendor, komunitetit të biznesit, shoqatat e punëmarrësve, përfaqësues të rretheve akademike, mediave dhe grupeve të interesit referuar përcaktimeve të kreut III, pika 4 të Urdhrit Nr. 113 datë 30/08/2019 “Për organizimin dhe funksionimin e Platformës së Partneritetit për Integrimin Evropian”.

Si të aplikoj?

Të gjithë aktorët e shoqërisë të cilët kanë interes të veçantë dhe mund të japin ekspertizën e tyre në fushat që mbulohen nga kapitulli 25 “Shkenca dhe Kërkimi Shkencor” dhe kapitulli 26 “Arsimi dhe Kultura” mund aplikojnë duke dorëzuar një letër interesi ku të shprehë qartë për cilën tryezë po aplikon dhe një jetëshkrim të personit apo grupimit që përfaqëson, duke treguar se kanë ekspertizën apo interesin e mjaftueshëm për të kontribuar në tryezat specifike.

Kontakti për ata që kanë interes të anëtarësohen është:

Kapitulli 25 – kapitulli25@arsimi.gov.al

Kapitulli 26 – kapitulli26@arsimi.gov.al

Template CV si model dhe Modeli i letrës së shprehjes së interesit.

[Template CV dhe Shprehja e interesi](#)

TEMPLATE NR.2

Modeli:

Sugjerohet të shtohet logoja e organizatës/institucionit.

Të përdoret i njëjti format shkrimi gjatë gjithë dokumentit.

- **Detajet e kontaktit janë të rëndësishme:**

- 1) Emri i plotë i organizatës/shkurtesa;
- 2) Adresa;
- 3) personi i kontaktit (Emri, pozicioni, emaili)
- 4) faqja në internet (nëse ka);
- 5) email zyrtar;
- 6) telefoni;
- 7) lloji i organizatës (OJQ, Shoqatë, Biznes etj);
- 8) Llogaritë e mediave sociale (nëse ka)

- **Një informacion për organizatën/institucionin**

- Referenca në dokumentacionin e themelimit (ligj, akt nënligjor, statuti, etj.)
- Qëllimet kryesore dhe programet tematike
- Aktivitetet dhe fushat kryesore të punës
- Informacioni organizativ (stafi, rrjeti)

- **Fushat e ekspertizës**

- Në këtë pjesë duhet shpjeguar se si funksioni/puna e organizatës është e lidhur me një ose disa nga çështjet e kapitullit në fjalë.
- Sugjerohet të tregohen disa nga aktivitetet/projektet që lidhen me temat e kapitullit
- Sugjerohet të tregohet përvoja dhe ekspertiza e stafit të përfshirë (nëse është rasti)
- Nëse ka lidhje të rëndësishme të lidhura me funksionimin e organizatës, mund të tregohet një listë e publikimeve - me linket përkatë

TEMPLATE NR. 3

Shprehja e Interesit të organizatës/institucionit

- **Duhet të shprehë arsyet pse organizata po aplikon**
 - motivimi kryesor
 - si ndikohet apo përfshihet organizata në procesin e negociatave dhe zhvillimit të kapitullit
 - si lidhet puna e tyre me një ose disa nga çështjet e kapitullit
- **Çfarë presin ata nga kjo tryezë e diskutimit dhe të këshillimit**
 - pritsmëritë e tyre kryesore nga tryezat e konsultimit
 - çfarë duan të diskutojë/përfshijë kjo tryezë
- **Planifikimi i kontributit tuaj gjatë diskutimeve dhe procesit të negociatave të kapitujve**
 - të jenë sa më konkretë për të ofruar aktivitete/sugjerime sesi organizata do të kontribuojë gjatë tryezës së konsultimit
 - Angazhimi dhe përfshirja aktive në zhvillimet e tryezës
 - ofrimi i ekspertizës dhe sugjerimeve/rekomandimeve gjatë diskutimeve
 - ofrimi i temave për diskutim



REPUBLIKA E SHQIPËRISË
KRYEMINISTRI

URDHËR

Nr. 113, datë 30.8.2019

Stamp and handwritten notes: 2.09.19, 12553, SP

PËR

**FORMAT E PJESËMARRJES, FUNKSIONIMIN DHE STRUKTURËN
INSTITUCIONALE TË PLATFORMËS SË PARTNERITETIT
PËR INTEGRIMIN EVROPIAN**

Në mbështetje të pikës 3, të nenit 102, të Kushtetutës, dhe të pikës 3, të kreut IX, të vendimit nr.749, datë 19.12.2018, të Këshillit të Ministrave, "Për krijimin, organizimin dhe funksionimin e strukturës shtetërore përgjegjëse për zhvillimin e negociatave dhe lidhjen e traktatit të aderimit të Republikës së Shqipërisë në Bashkimin Evropian",

URDHËROJ:

I. DISPOZITA TË PËRGJITHSHME

1. Organizimin dhe funksionimin e Platformës së Partneritetit për Integrimin Evropian e cila ka si qëllim:
 - a) të rrisë ndërgjegjësimin publik në procesin e anëtarësimit në Bashkimin Evropian;
 - b) të shpjegojë ndikimin e procesit të anëtarësimit për vendin dhe shoqërinë;
 - c) të informojë mbi procesin e negociatave dhe procesin e bërë për çdo fazë, duke krijuar mundësi për përthithjen e ekspertizës vendase në fushat përkatëse;
 - ç) të mbështesë një përfaqësim gjithëpërfshirës të të gjithë partnerëve, publikë dhe privatë, në procesin e stabilizim-asociimit dhe anëtarësimit të Shqipërisë në Bashkimin Evropian;
 - d) të mundësojë aksesin e shoqërisë civile, të pushtetit vendor, të komunitetit të biznesit, të shoqatave të punëmarrësve, të botës akademike dhe të grupeve të interesit, për këshillim e monitorim në

fazat e programimit e zbatimit të asistencës së Bashkimit Evropian për procesin e integrimit evropian.

2. Platforma e Partneritetit për Integrimin Evropian mbështetet dhe funksionin në përputhje me kuadrin ligjor në fuqi për të drejtën e informimit, si dhe njoftimit e konsultimit publik.
3. Platforma e Partneritetit për Integrimin Evropian zhvillon procesin e informimit dhe konsultimit në lidhje me:
 - a) projektqëndrimin negociues të Republikës së Shqipërisë për kapitullin përkatës të *acquis*;
 - b) programimin dhe monitorimin e ndihmës së Bashkimit Evropian;
 - c) hartimin e Planit Kombëtar për Integrimin Evropian ose të planeve të tjera në kuadër të procesit të integrimit evropian;
 - ç) çështje të tjera të cilat duhet të këshillohen me strukturat joshtetërore të përfaqësimit publik, në kuadër të procesit të integrimit.

II. FORMAT E PJESËMARRJES

1. Platforma e Partneritetit për Integrimin Evropian organizohet me dy nivele përfaqësimi:

- a) Bordi drejtues, i cili drejton Platformën e Partneritetit për Integrimin Evropian.

Bordi drejtues të kryesohet nga Kryeministri dhe ministër për Evropën dhe Punët e Jashtme dhe të ketë në përbërje të tij 15 anëtarë, si më poshtë vijon:

- i. Zëvendësministrin për Evropën dhe Punët e Jashtme;
- ii. Kryenegociatorin;
- iii. Drejtuesin e Sekretariatit të Integrimit Evropian;
- iv. Drejtorin përgjegjës për bashkëpunimin territorial për zbatimin e projekteve IPA;
- v. Drejtori përgjegjës për koordinimin e programeve kombëtare dhe rajonale të IPA-s;
- vi. Dy përfaqësues të shoqatave të organeve të pushtetit vendor;
- vii. Dy përfaqësues të organizatave të shoqërisë civile;
- viii. Dy përfaqësues të komunitetit të biznesit;
- ix. Dy përfaqësues të shoqatave të punëmarrësve;
- x. Dy përfaqësues të botës akademike.

b)33 tryeza të diskutimit dhe të këshillimit, të cilat krijohen në mënyrë analoge me kapitujt e “*acquis*” të Bashkimit Evropian.

III. FUNKSIONIMI

III.1. Funkcionimi i bordit drejtues

1. Bordi drejtues është struktura më e lartë e Platformës së Partneritetit për Integrimin Evropian, që garanton bashkëpunimin institucional me grupet e interesit dhe marrjen në konsideratë apo vlerësimin e opinionëve, të qëndrimeve dhe të ekspertizës së tyre për procesin e integritit evropian.
2. Kryetari i bordit drejtues, përveç funksioneve të tjera, drejton mbledhjet, propozon rendin e ditës, drejton diskutimet në lidhje me qëndrimet gjithëpërfshirëse për procesin e integritit evropian.
3. Bordi drejtues, pasi mbledh sugjerimet nga tryezat, miraton me shumicën e votave të anëtarëve që janë të pranishëm në mbledhje rregullore e brendshme, ku përcaktohen procedurat e detajuara të funksionimit të Platformës së Partneritetit për Integrimin Evropian.
4. Anëtarët e bordit drejtues të përmendur në nënndarjet vi, vii, viii. ix dhe x, të shkronjës “a”, të pikës 1, të kreut II, zgjidhen nga anëtarët e të gjithë tryezave. Mandati i tyre është 3-vjeçar me të drejtë rizgjedhjeje.
5. Bordi drejtues mbledhet të paktën çdo tre muaj, megjithatë kryetari mund të kërkojë mbledhjen e bordit drejtues në çdo rast, sipas nevojave të procesit.
6. Bordi drejtues mbështetet nga Sekretariati i Integritit Evropian.
7. Bordi drejtues miraton raportin vjetor mbi funksionimin e Platformës së Partneritetit për Integrimin Evropian.

III.2. STRUKTURA INSTITUCIONALE

1. Qëllimi kryesor i secilës tryezë është të diskutojë, të shqyrtojë dhe të ndërmarrë qëndrime dhe rekomandime drejtuar institucioneve. Sekretariatit të Integritit Evropian e strukturave të tjera përgjegjëse në procesin e integritit evropian, për çështjet e fushat specifike që trajtojnë. Tryezat, gjithashtu, këshillohen në lidhje me programimin, zbatimin, monitorimin dhe vlerësimin e asistencës së Bashkimit Evropian për Shqipërinë.

2. Tryezat kryesohen nga drejtuesit e grupeve ndërinstitucionale të punës e koordinohen nga ministritë dhe institucionet kryesuese të kapitujve, sipas fushës së kompetencës së tyre.
Secila nga tryezat e diskutimit dhe të këshillimit ka në përbërje të saj përfaqësues të organizatave të shoqërisë civile, të pushtetit vendor, të komunitetit të biznesit, të shoqatave të punëmarrësve, të botës akademike, të medias dhe të grupeve të interesit.
3. Në takimet e tryezave të diskutimit dhe të këshillimit, në varësi të tematikës së mbledhjes, ftohen të marrin pjesë edhe negociatorët sipas kapitujve negociues dhe koordinatorët e Sekretariatit të Integritetit Evropian.
4. Për të qenë anëtarë në secilën prej tryezave, ftohen të marrin pjesë lirisht përfaqësuesit e organizatave të shoqërisë civile, të pushtetit vendor, të komunitetit të biznesit, të shoqatave të punëmarrësve, të botës akademike, të medias dhe të grupeve të interesit.
5. Aplikimi për t'u bërë pjesë e tryezave kryhet nëpërmjet dorëzimit të një letre interesi si dhe CV-je të personit apo të grupimit që përfaqëson, ku tregohet se kanë ekspertizën apo interesin e mjaftueshëm për të kontribuar në tryezën/at specifike.
6. Për ngritjen e tryezave, pranimi apo refuzimi i aplikimeve bëhet nga grupet ndërinstitucionale të punës. Në rastin e anëtarëve të rinj, pranimi ose refuzimi i aplikimit bëhet nga drejtuesit e grupeve ndërinstitucionale të punës. Refuzimi i aplikimit mund të jetë gjithmonë i arsyetuar.
7. Përfaqësimi i tryezave në bordin drejtues bëhet përmes zgjedhjes nga të gjithë anëtarët e tryezave të ngritura të dy përfaqësuesve për secilën prej kategorive të përcaktuara në nënndarjet vi, vii, viii, ix, dhe x, të shkronjës "a", të pikës1, të kreut II, të këtij urdhri. Dy kandidatët e secilës kategori më shumë të votuar nga anëtarët e tryezave të pranishëm në votim përzgjidhen në bordin drejtues. Një pjesëtar i tryezave voton vetëm një herë, pavarësisht se është anëtar në më shumë se një tryezë. Kandidatët për t'u zgjedhur në bordin drejtues mund të propozohen nga anëtarët e tryezave ose të vetëpropozohen.
8. Tryezat mblidhen sipas nevojës nga drejtuesit e grupeve ndërinstitucionale të punës, duke caktuar periodicitet nëse shihet e arsyeshme, por jo më pak se një herë në muaj, ose mblidhen me kërkesë nga të paktën një e treta e anëtarëve.

IV. DISPOZITË E FUNDIT

Ngarkohen Ministria për Evropën dhe Punët e Jashtme dhe të gjitha institucionet kryesuese të grupeve ndërinstytucionale të punës për zbatimin e këtij urdhri.

Ky urdhër hyn në fuqi menjëherë.

KRYEMINISTRI

EDIRAMA

A large, stylized handwritten signature in black ink is written over the printed name 'EDIRAMA'. The signature is highly fluid and abstract, with a prominent vertical stroke on the left and several sweeping horizontal and curved strokes extending to the right.

NR.PROT. 4077/1
DATE 2.9. 2019


MINISTRISË PËR EVROPËN DHE PUNËT E
JASHTME

Sekretari i Përgjithshëm

Engjell AGAÇI

Në mungesë dhe me porosi

Elira KOKONA

A handwritten signature in black ink, appearing to read 'Elira Kokona', is written over a circular official stamp. The stamp contains text in Albanian, including 'MINISTRISË PËR EVROPËN DHE PUNËT E JASHTME' and 'TIRANË'. The signature is written in a cursive style and extends to the right of the stamp.